

【经文信息】大正藏第 21 册 No. 1252b

佛说大吉祥天女十二名号经 1 卷

佛说大吉祥天女十二名号经

唐三藏沙门大广智不空译

如是我闻。一时薄伽梵。住极乐世界。与无量大菩萨众。前后围绕而为说法。尔时观自在菩萨摩訶萨。大吉祥天女菩萨摩訶萨等。皆从座起诣世尊所。头面礼足各坐一面。尔时世尊为欲利益薄福贫穷诸有情故。告观自在菩萨言。善男子若有苾刍苾刍尼近事男近事女诸有情类。知此大吉祥天女十二名号。能受持读诵修习供养为他宣说。能除一切贫穷业障。获大富贵丰饶财宝。尔时会中天龙八部。异口同音咸作是言。如世尊说真实不虚。我等愿闻十二名号。惟愿世尊大悲演说。佛言汝当善听今为汝说所谓吉庆 吉祥莲华严饰 具财 白色 大名称 莲华眼大光曜 施食者 施饮者 宝光 大吉祥 是为十二名号。汝当受持。我今复说大吉祥陀罗尼曰。

怛徧也(二合)他(去声引一)室哩(二合)掘室哩(二合)掘(二)萨嚩迦(引)哩野(二合)娑(去声引)驮[宁*页](三)悉[宁*页]悉[宁*页](四)[宁*页][宁*页][宁*页][宁*页](五)阿(上声)洛乞史茗(三合)曩(引)舍野娑嚩(二合引)贺(引六)

尔时世尊说是陀罗尼已。告观自在菩萨言。此大吉祥陀罗尼及十二名号。能除贫穷一切不祥。所有愿求皆得圆满。若能昼夜三时读诵此经每时三遍。或常受持不间。作饶益心随力虔诚供养大吉祥天女菩萨。速获一切财宝丰饶吉祥安乐。时观自在菩萨摩訶萨。及诸大众天龙八部。从佛闻说十二名号及陀罗尼。叹未曾有。皆大欢喜信受奉行。

佛说大吉祥天女十二名号经

ṭ(ta) ḍ(dya) ṭ(thā) ś(śrī) ṃ(ṇi) ṣ(sa) ṣ
(rva) ḥ(kā) ṣ(rya) ṣ(sā) ḍ(dha) ṣ(ni) ṣ(si)
ṣ(ni) ṣ(ṣme) ṣ(nā) ṣ(śa) ḍ(ya) ṣ(svā) ḥ(hā)

【经文信息】大正藏第 21 册 No. 1252b 佛说大吉祥天女十二名号经

【版本记录】CBETA 电子佛典 Rev. 1.8 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，CBETA 自行扫描辨识

【其他事项】本数据库可自由免费流通，详细内容请参阅【[中华电子佛典协会数据库版权宣告](#)】
